



Immanuel: God by ons

Christus het alles verander

Sowat 2 000 jaar gelede het Jesus, genaamd Immanuel (beteken: God by ons), die wêreld verander. In die oomblik toe 'die Woord vlees geword het', is die woorde van die Ou Testamentiese profete in die Nuwe Testament bewaarheid, want 'n nuwe Verbond het ontstaan. Jesus, ons Immanuel, het gesorg dat, danksy ons geloofsbelydenis, sonde en die dood nou nie meer kan oorwin nie, en dat die herbore Christen nie meer so pynlik alleen sou voel nie, maar die belofte van die Hemelse Lewe sou hê.



Pastoor, verduidelik asseblief vir my! Ek sien in baie kerke hang daar 'n kleed voor die kansel met die woorde 'Immanuel - God by ons'.

Nou weet ek Jesus is in Bethlehem gebore, maar Hy is sekerlik tog nie meer daar nie? Hoe verklaar jy 'God by ons' dan? Hy was immers net 33 jaar hier op die aarde! Hoe kan Hy dan nog by ons wees?

Liewe vriend: Voor ons voortgaan, moet ons eers die Bybelse waarheid dat Jesus God is, aanvaar. Emmanuel beteken 'God by ons'. Sowel die Ou as die Nuwe Testament bevestig dit.



"Die Here sal daarom self vir julle 'n teken gee: 'n jong vrou sal swanger word en 'n Seun in die wêreld bring en sy sal Hom Immanuel noem." Jesaja 7:14

"Ky, die maagd sal swanger word en 'n Seun in die wêreld bring, en hulle sal Hom Immanuel noem." Die naam beteken God by ons. Matteus 1:23



Gaaf, ek's byl Jesus is God! Eintlik moes ek dit in elk geval geweet het, want die aanhalings sê so. Dit blyk immers ook uit Jesaja in die Ou Testament en Matteus in die Nuwe Testament, want albei sê dieselfde ding: God is by ons, aangesien Jesus se naam Immanuel is.

Dis nou goed en wel, Pastoor! Maar die Bybel stel dit ondubbelsinnig: Jesus is in die Hemel om na ons belange om te sien, nie hier op die aarde nie. Jou Kerk stem hiermee saam en leer dit trouens.



Maar wat dan van die 'Sjema' wat Deuteronomium 6:4-9 beskryf? Wat Jesus in die Nuwe Testament ook noem?

"Luister, Israel, die Here is ons God, Hy is die enigste Here." (Deuteronomium 6:4)

Jesus antwoord hom: "Die eerste is: 'Luister, Israel, die Here ons God is die enigste Here.'" (Markus 12:29)



Pastoor, ek glo jy sal begryp dat ek ietwat in die war is. Jesus het aarde toe gekom en Hy is God, dit het ons vasgeknop. Tog sê die Bybel ook Jesus is nou in die Hemel by ons!

Nogtans gebruik soveel kerke die woorde 'Immanuel God by ons' as 'n voorhang vir die kansel, of selfs as die naam van die kerk. Maar is Jesus dan nie om en by 33 nC al Hemel toe nie?



Lees bietjie wat die profeet Jeremia in hoofstuk 23 oor God se alomteenwoordigheid sê. Of ook Spreuke 15! Daar is nog talle tekste; kyk gerus self

"Ek is nie 'n God wat net naby is nie," sê die Here, "Ek is 'n God wat ook ver weg is. Niemand kan in 'n geheime plek wegkruip sonder dat ek hom sien nie," sê die Here. "Ek is oral in die hemel en op die aarde," sê die Here.

Jeremia 23:23-24

"Die Here sien oral; Hy hou slegte en goeie mense dop." Spreuke 15:3



Maar Pastoor, ek wonder tog nog steeds oor die kwessie van Immanuel God by ons.

Die Bybel stel dit klinkklaar: Die Woord het vlees geword en onder ons kom woon! Daardie teks verwys na Jesus; ons stem saam Jesus is God... maar Hy is nie hier nie.



Hy is nie hier nie, want Hy is uit die dood opgewek, soos Hy gesê het. Kom nader en kyk: daar is die plek waar Hy geleë het. Matteus 28:6



Jesus het geweet Hy sou uit die dood opstaan en het dit dikwels vir sy dissipels gesê: "Want die Seun van die mens moet baie ly, deur die familiehoofde, priesterhoofde en skrifgeleerdes verwerp word, en Hy moet doodgemaak word, en op die derde dag opgewek word."

Lukas 9:22

Jesus se wederopstanding was geen verrassing nie - dit was deel van God se Verlossingsplan.




Maak dit asseblief tog bietjie duideliker, Pastoor. Ek hou nie mooi by nie!

Onthou net, God verander nooit van plan nie. Die belofte Immanuel - God by ons is steeds presies wat dit 2 000 jaar gelede was, toe Jesus na die aarde toe gekom het!



Voor Jesus se kruisiging het Hy aan sy dissipels gesê: "En ek sal die Vader vra en Hy sal vir julle 'n ander Trooster stuur, wat vir ewig by julle sal wees."



In die oorspronklike Grieks is die woord vir 'ander' *allos*, wat letterlik vertaal as 'n ander een van dieselfde soort.

Die Trooster is die Heilige Gees: God die Vader, God die Seun, en God die Heilige Gees.

As ek Pastoor nou reg verstaan, het Jesus 'n ander Persoon gestuur wat ook God by ons is! Maar dan is God mos letterlik oral!

'Ek is oral in die hemel en op die aarde,' sê die Here. Jeremia 23:24

Dis juis wat die Bybel sê!



Dan het ons nou drie Gode?!

Dit raak nou darem bietjie bokant my vuurmaakplek!

"Laat my wandel volgens u Gebooi, want daarin vind ek vreugde." Psalm 119:35

Moenie vir God vra om jou opinie te bevestig nie; vra Hom eerder om jou opinie by sy Waarheid aan te pas. (Charles Spurgeon)

Bedoel Pastoor regtig DRIE Gode? Waar staan dit in die Bybel?

Die Bybel leer ons nie regstreeks van die Drie-eenheid nie, tog verwys die Skrif deurgaans daarna. Die nabibelse Christene het dié lering ontwikkel om die Bybelse gegewe van die Drie-eenheid reg te beskryf.



Nee, nie drie Gode nie!

Onthou die Sjema wat ek vroeër aangehaal het: **"Luister, Israel, die Here is ons God, Hy is die enigste Here."** (Deuteronomium 6:4)

Volgens die Christelike lering is God een God, maar drie saambestaande en mede-ewige Persone. Die drie Persone is afsonderlik, maar nogtans **een substansie, essensie of natuur.**

Matteus 28:19 is ondubbelsinnig: "Gaan dan na al die nasies toe en maak die mense my dissipels: doop hulle in die naam van **die Vader en die Seun en die Heilige Gees.**"



Volgens die Christelike leer is elke Persoon in die Godheid waarlik God, aangesien God een essensie is, maar speel elke Persoon 'n unieke rol in die verlossingsgeskiedenis in verder.

Wanneer die apostel Paulus sê die volle wese van God is in Christus beliggaam, sê hy Christus is **wesentlik een** met die Vader en die Heilige Gees.



"Die Skrif is aan ons gegee nie om ons kennis te verbreed nie, maar om ons lewens te verander."



Dankie, Pastoor, dankie vir dié Bybelse waarheid, Immanuel - God by ons

Jesus het die Trooster, die Heilige Gees, gestuur, wat beteken God is altyd by ons. Dis so bemoedigend!

Nou sien ek nog wonderlike waarhede op www.bibleanswers.co.za. Dié boodskap maak my lus en lees die Bybel sommer weer van voor af!

Wêreldwye Selfoon-evangelisasie, Bybelstudie en Preke

Kontakbesonderhede: **Neville Nevelling**
Neville WhatsApp: +264811285323
e-pos: neville@awr.org
www.bibleanswers.co.za